

TAČKA 2.

INFORMACIJA O GRANSKIM KOLEKTIVNIM UGOVORIMA I PREDSTOJEĆE AKTIVNOSTI

U 2022. godini u Federaciji Bosne i Hercegovine potpisano je ukupno **sedam granskih kolektivnih ugovora** i to:

1. **Kolektivni ugovor o pravima i obavezama poslodavaca i radnika za djelatnost prerade metala u FBiH**
2. **Kolektivni ugovor za djelatnost drvne i papirne industrije**
3. **Kolektivni ugovor za djelatnost građevinarstva i industrije građevinskog materijala**
4. **Kolektivni ugovor za djelatnost hemije i nemetala u FBiH**
5. **Kolektivni ugovor za djelatnost tekstilne, kožarsko-prerađivačke, gumarske i industrije obuće u FBiH.**
6. **Kolektivni ugovor za djelatnost trgovine u FBiH**
7. **Kolektivni Ugovor za djelatnost cestovnog prometa u FBiH**

Početkom oktobra 2024. godine inicirani su postupci za zaključenje novih, odnosno izmjena i dopuna postojećih ugovora.

Proces je djelimično usporen početkom januara 2025. godine donošenjem Odluke o minimalnoj plati u Federaciji BiH, što je u velikoj mjeri odgodilo pregovore između sindikata i poslodavaca. Visina propisane minimalne plaće, koja je postavljena na nivou značajno iznad realnih mogućnosti pojedinih sektora, privremeno je dovela u pitanje i neizvjesnost kolektivnog pregovaranja, budući da su i poslodavci i sindikati morali preispitati ranije dogovorene stavove i prilagoditi se novim okolnostima.

Nakon određene stabilizacije prilika i odnosa, pregovori po pojedinim kolektivnim Ugovorima su ponovo pokrenuti i u proteklom periodu postignuti su konkretni rezultati.

Potpisana su 3 nova ugovora

Do danas su zaključeni i objavljeni sljedeći kolektivni ugovori:

1. **Kolektivni ugovor za djelatnost drvne i papirne industrije**
 - Potpisan i stupio na snagu **13. februara 2025. godine.**
 - Objavljen u „Službenim novinama FBiH“, broj 13/25.
2. **Kolektivni ugovor za djelatnost prerade metala u Federaciji BiH**
 - Potpisan 30 jula **2025. godine** (nakon višemjesečnih konsultacija i naknadnih dogovora).
 - Objavljen u „Službenim novinama FBiH“, broj 13/25 od 13.08.2025.godine.
 - Stupio na snagu 14.08.2025.godine
3. **Izmjene i dopune Kolektivnog ugovora za djelatnost cestovnog prometa u FBiH**
 - Potpisane **19. augusta 2025. godine.**
 - Objavljene u „Službenim novinama FBiH“, broj 64/25.
 - Primjena počinje od **1. septembra 2025. godine**, a važenje je ograničeno na jednu godinu.

Napominjemo da su se određene nedoumice i problemi pojavili su se vezano za Kolektivni ugovor za djelatnost metala u odnosu na kompanije koje su u većinskom vlasništvu Vlade FBiH.

Trenutno se među socijalnim partnerima razmatraju modaliteti rješavanja ove situacije.

Ugovori u postupku pregovaranja

Pregovori su u toku ili na čekanju u preostala **četiri sektora**:

1. **Tekstilna i kožarsko-prerađivačka industrija obuće**
 - Pregovarački timovi imenovani.
 - Potpisan protokol o vođenju pregovora.
 - Pregovarački tim UPFBiH je **ispoštovao cjelokupan proces i ispregovarao tekst kolektivnog ugovora**, te se sada očekuje njegovo potpisivanje.
 - Problem je što sindikat trenutno **nema ovlaštenu osobu za potpisivanje**. Naša predsjednica pregovaračkog tima i direktor UPFBiH je u stalnom kontaktu sa novim predstavnikom sindikata, a potpisivanje se očekuje nakon njegovog formalnog imenovanja.
2. **Građevinarstvo i industrija građevinskog materijala**
 - Održani sastanci pregovaračkih timova (posljednji 04. aprila 2025. godine).
 - Dogovorena satnica, ali sporna pitanja ostaju naknade za topli obrok i rad u dane sedmičnih praznika.
 - Potrebno je usaglašavanje konačnog teksta od strane predsjednika pregovaračkih timova.
3. **Hemija i nemetali**
 - Pregovarački tim imenovan.
 - Sindikat uputio inicijativu.
 - Očekuje se sazivanje sastanka od strane predsjedavajućeg pregovaračkog tima.
4. **Trgovina**
 - Pregovarački tim imenovan.
 - Sindikat trgovine nikada nije poslao inicijativu za otpočinjanje pregovora.
 - Na UPFBiH je da odluči o daljnjim koracima i eventualnom otvaranju pregovora.

Shodno navedenom trenutno su potpisana tri kolektivna ugovora: **drvena i papirna industrija, prerada metala i cestovni promet**. Aktivnosti u narednom periodu fokusirane su na zaključivanje ugovora u preostala četiri sektora: **tekstil/obuća, građevinarstvo, hemija i nemetali i trgovina**, kao i rješavanje određenih pitanja vezano za metalnu idustriju, koja su se javila u praksi nakon potpisivanja.

Posebno je značajno ubrzati proceduru u **tekstilnoj industriji**, gdje je pregovarački proces završen, a potpisivanje ugovora je moguće odmah nakon imenovanja ovlaštene osobe sindikata.

U djelatnosti trgovine i hemije i nemetala potrebno je da pregovarački timovi organizuju sastanak i pripreme tekst, te zauzmu jasan stav za pokretanje pregovora.